

Arkiv: <arkivID><jplD> FE-243, FA-U01
JournalpostID:
Sakshandsamar:
Dato: 13.09.2023

Saksframlegg

Saksnr.	Utval	Møtedato
035/23	Utval for næringsutvikling og drift	20.09.2023
082/23	Alver formannskap	21.09.2023
	Alver kommunestyre	

**Lokal utlysing av kompensasjonsmidlar for verksemder som er ramma av smitteverntiltak
Kommunedirektøren sitt framlegg til vedtak:**

Det blir lagt opp til ei lokal utlysing av kompensasjonsmidlar for verksemder som er ramma av smitteverntiltak, slik det er lagt fram i saka.

Økonomisk ramme for utlysinga er kr 200.000. Midlane blir henta frå disposisjonsfondet.

Utval for næringsutvikling og drift 20.09.2023:

Handsaming:

Utvalsleiar Stian Lavik-KRF sette fram følgjande framlegg til uttale:

Det blir lagt opp til ei lokal utlysing av kompensasjonsmidlar for verksemder som er ramma av smitteverntiltak, etter modell frå det som var intensjonen med tildelingsrunde 7 frå departementet.

Økonomisk ramme for utlysinga er kr 635 000 - slik det var i tildelingsrunde 7 frå departementet. Midlane blir henta frå disposisjonsfondet.

I avrøystinga vart Stian Lavik framlegg sett opp mot kommunedirektøren sitt framlegg.

Framlegget frå Lavik fekk 3 røyster (S.Lavik-KRF, M.Johansen-H, Ø. Bratshaug-H).

Kommunedirektøren sitt framlegg fekk 3 røyster (L.Hopland van der Kooij-SP, Maya F. Greve-MDG, Y. Walaker-FRP).

Med røystetala 3 mot 3 vart møteleiar Stian Lavik si røyst avgjerande, og Lavik sitt framlegg vart vedteke.

ND- 035/23 Vedtak:

Utval for næringsutvikling og drift kjem med følgjande uttale:

Det blir lagt opp til ei lokal utlysing av kompensasjonsmidlar for verksemder som er ramma av smitteverntiltak, etter modell frå det som var intensjonen med tildelingsrunde 7 frå departementet.

Økonomisk ramme for utlysinga er kr 635 000 - slik det var i tildelingsrunde 7 frå departementet. Midlane blir henta frå disposisjonsfondet.

Politisk handsaming

Saka skal til uttale i utval for næringsutvikling og drift

Saka skal til innstilling i formannskapet

Saka skal avgjerast i kommunestyret

Saka gjeld

I denne saka skal kommunestyret vurdere å gjennomføre ein lokal utlysingsrunde av kompensasjonsmidlar for verksemder som har vore ramma av smitteverntiltak.

Saksopplysningar

Bakgrunn:

I løpet av koronapandemien frå 2020 - 2022 fekk Alver kommune tildelt kompensasjonsmidlar for å avhjelpe lokalt næringsliv som var ramma av smitteverntiltak. Totalt var det 7 tildelingsrundar med kompensasjonsmidlar. Alver kommune tok avgjerd om å slå saman runde 6 og 7 med ei samla tildeling på kr 1.719.000. Handsaming av den samanslåtte tildelinga blei gjort i sak 47/22 i april 2022. I etterkant av denne tildelinga er det stilt spørsmål ved tildelinga i sak 47/22, mellom anna gjennom ein interpellasjon i kommunestyresak 67/23. Kommunestyret vedtok i sak 67/23 å sende interpellasjonen til formannskapet for vidare handsaming. Saka blei handsama i formannskapet 08.06.23 (sak 63/23), og i kommunestyret 15.08.23 (Sak 114/23).

I sak 114/23 gjorde kommunestyret følgjande vedtak: *Med bakgrunn i prinsippet om likebehandling ber vi kommunedirektøren kome tilbake med ei sak der det blir vurdert ein ny utlysingsrunde nr 7 med tilhøyrande kriterium. Kostnadsramme og finansiering vert å kome tilbake til.*

Om den kommunale kompensasjonsordninga (nasjonalt nivå)

Føremålet med den kommunale kompensasjonsordninga for lokale verksemder under pandemien, var å avhjelpe situasjonen for lokale verksemder som var ramma av ulike smitteverntiltak. Målet var å oppretthalde arbeidsplassar og viktig kompetanse i bedriftene. I Alver kommune var det lagt opp til at alle verksemder kunne søke i alle tildelingsrundar, og dei som kunne dokumentere eit tap på grunn av smitteverntiltak var kvalifisert til å få tildelt kompensasjonsmidlar. Alver kommune valde å slå saman runde 6 og 7. I tildelingsbrevet frå departementet for runde 7 står det mellom anna:

- Midlene er fordelt til kommuner med utgangspunkt i antall ansatte innen servering, overnatting, sport og fritid, reisebyråer og -arrangører, kunst og underholdning og kongress-, messe- og utstillingsvirksomhet. Fordelingen til den enkelte kommune er justert for sesongvariasjoner i antall ansatte, andel utenlandsovernattinger i reiselivsregionene og sentralitet.
- Bransjene som ligger til grunn i fordelingsmodellene fra departementet, bør tilgodeses så langt det er behov. Kommunene bes særlig om vurdere kompensasjonsbehovet i virksomheter som har falt helt eller delvis utenfor de generelle kompensasjonsordningene, som bl.a. nystartede bedrifter. Utover det, kan kommunene innrette sine lokale ordninger etter den lokale situasjonen.

Vurdering:

I sak 114/23 ber kommunestyret om at kommunedirektøren kjem tilbake med ei sak, der det blir vurdert ein ny utlysingsrunde nr 7 med tilhøyrande kriterium.

Det er kommunedirektøren si vurdering at ein ny og lokal utlysingsrunde med kompensasjonsmidlar bør følgje dei same intensjonane som var for den nasjonale ordninga i perioden 2020 – 2022. Føremålet bør vere å avhjelpe verksemder som framleis har utfordringar etter pandemien, og som kan dokumentere omsetnadssvikt eller ekstra kostnader som følgje smitteverntiltak. Utgangspunktet for denne vurderinga er rekneskapstal for 2021 og 2022. Med bakgrunn i diskusjonen rundt samanslåing av runde 6 og 7, bør kriteria for ein lokal utlysingsrunde vere dei same som for den 7.

runden i den nasjonale ordninga:

- Utlysinga skal gjelde for bransjane servering, overnatting, sport og fritid, reisebyrå og -arrangør, kunst og underhaldning og kongress-, messe- og utstillingsverksemd.
- Verksemdar som har falt heilt eller delvis utanfor dei generelle kompensasjonsordningane, som til dømes nystarta verksemdar, vil bli særskilt vurdert.

Stønad blir gjeve etter reglar for bagatellmessig stønad. Søkjarar må dokumentere eventuell anna offentlig støtte i løpet av åra 2020, 2021 og 2022. For å få stønad kan ikkje verksemda vere under konkurshandsaming eller avvikling.

Når det gjeld økonomi er det viktig å poengtere at midlane frå dei nasjonale utlysingsrundane er tildelt og utbetalt. Ei lokal utlysing bør primært retta seg mot verksemdar som framleis har utfordringar etter pandemien. Med bakgrunn i Alver kommune sin økonomiske situasjonen bør også nivået på total tildelingssum vere avgrensa. Det er kommunedirektøren si vurdering at ei ramme på kr 200.000 kan vere tenleg for ein lokal utlysingsrunde.

Utlysing, søknadsprosess og tildeling vil bli gjennomført i løpet av hausten 2023. Når søknadane er vurdert vil kommunestyret få ei politisk sak for å vurdere tildelingsmodell. Denne modellen vil danne grunnlag for tildeling til kvar enkelt verksemd.

Kommunedirektøren si tilråding:

Det blir tilrådd å gjennomføre ein lokal utlysingsrunde av kompensasjonsmidlar for verksemdar som er ramma av smitteverntiltak. Kriteria for den 7. runden i den nasjonale ordninga skal vere grunnlag for den lokale ordninga. Økonomisk ramme for tildelinga bør ligge på kr 200.000, og midlane blir henta frå disposisjonsfondet.

Vedlegg i saken:

13.09.2023 Tilskotsbrev kommunal kompensasjonsordning

1990658